



Број: 01/4-50-3-4-23/16
Сарајево, 25.5.2016.

Z A P I S N I K

23. sjednice Komisije za finansije i budžet Predstavničkog doma Parlamentarne skupštine BiH, održane 23.5.2016., od 13 do 15,40 sati.

Sjednici Komisije prisustvovali su članovi: Predrag Kožul, Salko Sokolović, Nenad Lalić, Amir Fazlić, Aleksandra Pandurević, Mirsad Isaković, Dušanka Majkić, Jasmin Emrić i Damir Bećirović.

Sjednici su, također, prisustvovali: Lazar Prodanović i Damir Arnaut, poslanici u Predstavničkom domu PSBiH, Predrag Kovač, generalni direktor, Mirza Milišić, član Vijeća RAK-a, i Zdravko Drakulić, rukovodilac sektora u Regulatornoj agenciji za komunikacije BiH, Sehija Mujkanović, pomoćnica ministra, i Nedeljko Tanasković, šef Odsjeka u Ministarstvu finansija i trezora BiH, Jelena Despot, politička savjetnica u OHR-u, Elma Muratović i Karlo Holub, saradnici Projekta USAID SGIP, Neira Neimarlija-Roić, saradnica Instituta za razvoj mladih KULT, Dragana Ćirić, stručna savjetnica u Komisiji za finansije i budžet Doma naroda PSBiH, Jovica Katić, stručni savjetnik za informiranje Sektora za odnose s javnošću Sekretarijata PSBiH, Edina Skenderović, sekretarka Kluba poslanika SBB-a, Vlade Srdanović, stručni saradnik, te Željko Kosmajac, sekretar Komisije.

Sjednici su, također, prisustvovali i predstavnice medija Semira Degirmendžić, novinarka Dnevnog avaza, i Sadeta Bajrović, novinarka Centra za istraživačko novinarstvo.

Sjednicom je predsjedavao Predrag Kožul, predsjedavajući Komisije.

Za sjednicu je predložen sljedeći

DNEVNI RED

1. Usvajanje Zapisnika 22. sjednice Komisije;
2. Razmatranje Prijedloga zakona o izmjenama i dopunama Zakona o finansiranju političkih stranaka – druga komisijska faza (predlažać: poslanici Predstavničkog doma);
3. Razmatranje Prijedloga zakona o dopunama Zakona o javnim nabavkama – prva komisijska faza (predlažać: poslanik Damir Bećirović);

4. Razmatranje Izvještaja o radu Ureda za razmatranje žalbi za 2015. godinu (sačinilac: Ured za razmatranje žalbi);
5. Razmatranje Informacije Ministarstva finansija i trezora BiH o primjeni Pravilnika o korištenju telefona, Pravilnika o korištenju sredstava za reprezentaciju i Pravilnika o uslovima nabavke i načinu korištenja službenih vozila u institucijama BiH i zahtjevima institucija za njihovom izmjenom i dopunom (sačinilac: Ministarstvo finansija i trezora BiH);
6. Razmatranje Informacije Ministarstva finansija i trezora BiH o problematiki primjene člana 39. Zakona o plaćama i naknadama u institucijama BiH i zaključka Predstavničkog doma broj:01-50-1-15-28/16, usvojenog na 28. sjednici Predstavničkog doma, održanoj 27.4.2016.

Predloženi dnevni red usvojen je jednoglasno.

Ad.1. Usvajanje Zapisnika 22. sjednice Komisije

Zapisnik 22. sjednice Komisije usvojen je jednoglasno, bez primjedbi.

Ad.2. Razmatranje Prijedloga zakona o izmjenama i dopunama Zakona o finansiranju političkih stranaka – druga komisijska faza (predlagač: poslanici Predstavničkog doma)

U uvodnim napomenama predsjedavajući Komisije istakao je da je Predstavnički dom razmatrao i usvojio Prijedlog zakona u prvom čitanju, te da na Prijedlog zakona nije bilo uložениh amandmana.

Potom je Komisija, sa sedam glasova „za“ i dva glasa „suzdržan“, prihvatila Prijedlog zakona o izmjenama i dopunama Zakona o finansiranju političkih stranaka u drugoj komisijskoj fazi.

Ad.3. Razmatranje Prijedloga zakona o dopunama Zakona o javnim nabavkama – prva komisijska faza (predlagač: poslanik Damir Bećirović)

Prijedlog zakona o dopunama Zakona o javnim nabavkama obrazložio je poslanik Damir Bećirović, predlagač Prijedloga zakona.

Potom je predsjedavajući Komisije otvorio raspravu u kojoj su učestovali: Jasmin Emrić, Dušanka Majkić, Predrag Kožul i Damir Bećirović.

Nakon rasprave, Komisija je, sa šest glasova „za“, jednim glasom „protiv“ i jednim glasom „suzdržan“, usvojila sljedeći zaključak:

„Komisija za finansije i budžet Predstavničkog doma Parlamentarne skupštine BiH odgađa izjašnjavanje o Prijedlogu zakona o dopunama Zakona o javnim nabavkama u prvoj komisijskoj fazi i traži od Agencije za javne nabavke BiH da u najkraćem roku dostavi mišljenje o Prijedlogu zakona o dopunama Zakona o javnim nabavkama, predlagača poslanika Damira Bećirovića“.

Ad.4. Razmatranje Izvještaja o radu Ureda za razmatranje žalbi za 2015. godinu (sačinilac: Ured za razmatranje žalbi)

Predsjedavajući Komisije otvorio je raspravu u kojoj su učestovali Dušanka Majkić i Predrag Kožul.

Nakon rasprave, Komisija je jednoglasno donijela sljedeći zaključak:

„Komisija za finansije i budžet Predstavničkog doma PSBiH vraća prednacrt Izvještaja o radu Ureda za razmatranje žalbi i traži od Ureda da u najkraćem roku dostavi usaglašeni Izvještaj o radu Ureda za razmatranje žalbi za 2015. godinu u skladu sa zakonom predviđenom procedurom.“

Ad.5. Razmatranje Informacije Ministarstva finansija i trezora BiH o primjeni Pravilnika o korištenju telefona, Pravilnika o korištenju sredstava za reprezentaciju i Pravilnika o uslovima nabavke i načinu korištenja službenih vozila u institucijama BiH i zahtjevima institucija za njihovom izmjenom i dopunom (sačinilac: Ministarstvo finansija i trezora BiH)

Informaciju Ministarstva finansija i trezora BiH o primjeni Pravilnika o korištenju telefona, Pravilnika o korištenju sredstava za reprezentaciju i Pravilnika o uslovima nabavke i načinu korištenja službenih vozila u institucijama BiH i zahtjevima institucija za njihovom izmjenom i dopunom obrazložila je Sehija Mujkanović, pomoćnica ministra finansija i trezora BiH.

Potom je predsjedavajući Komisije otvorio raspravu u kojoj su učestvovali: Aleksandra Pandurević, Dušanka Majkić, Salko Sokolović, Predrag Kožul, Jasmin Emrić, Mirsad Isaković, Amir Fazlić, Damir Bećirović i Sehija Mujkanović, pomoćnica ministra finansija i trezora BiH.

Nakon rasprave, Komisija je, s četiri glasa „za“ i dva glasa „protiv“, usvojila sljedeći zaključak:

„Komisija za finansije i budžet Predstavničkog doma Parlamentarne skupštine BiH podržava zaključke koje je Vijeće ministara BiH usvojilo razmatrajući Informaciju Ministarstva finansija i trezora BiH o primjeni Pravilnika o korištenju telefona, Pravilnika o korištenju sredstava za reprezentaciju i Pravilnika o uslovima nabavke i načinu korištenju službenih vozila u institucijama BiH i zahtjevima institucija za njihovom izmjenom i dopunom.“

Ad.6. Razmatranje Informacije Ministarstva finansija i trezora BiH o problematici primjene člana 39. Zakona o plaćama i naknadama u institucijama BiH i zaključka Predstavničkog doma broj:01-50-1-15-28/16, usvojenog na 28. sjednici Predstavničkog doma, održanoj 27.4.2016.

Informaciju Ministarstva finansija i trezora BiH o problematici primjene člana 39. Zakona o plaćama i naknadama u institucijama BiH obrazložila je Sehija Mujkanović, pomoćnica ministra finansija i trezora BiH.

Potom je predsjedavajući Komisije otvorio raspravu u kojoj su učestovali: Nenad Lalić, Dušanka Majkić, Predrag Kožul, Jasmin Emrić, Salko Sokolović, Damir Arnaut, poslanik u Predstavničkom domu PSBiH, Predrag Kovač, generalni direktor Regulatorne agencije za komunikacije BiH, i Sehija Mujkanović, pomoćnica ministra finansija i trezora BiH.

Nakon rasprave, Komisija, s dva glasa "za", i tri glasa "protiv", nije usvojila zaključak Nenada Lalića koji glasi:

„Komisija za finansije i budžet traži od Ministarstva finansija i trezora BiH da odredbu člana 39. Zakona o plaćama i naknadama ne primjenjuje na institucije BiH koje se u cijelosti finansiraju iz vlastitih sredstava i čija tijela se biraju vlastitim konkursom.“

Također, Komisija je, s tri glasa "za", jednim glasom "protiv" i jednim glasom "suzdržan", usvojila sljedeći zaključak:

“Komisija za finansije i budžet Predstavničkog doma Parlamentarne skupštine BiH smatra da je član 39. Zakona o plaćama i naknadama u institucijama BiH, kojim se regulira naknada za rad u upravnim odborima, nadzornim i drugim radnim tijelima, jasan i nema nejasnoća u njegovoj primjeni, te nema potrebe za izmjenama i dopunama Zakona o plaćama i naknadama u institucijama BiH“.

Ad.7. Tekuća pitanja

Predsjedavajući je podsjetio članove Komisije na to da je prema ranije usaglašenom dogovoru neophodno održati sjednicu Komisije na kojoj će se razmotriti Informacija Ureda za reviziju institucija BiH i dopisi šest institucija BiH čije je poslovanje po finansijskoj reviziji za 2014. godinu ocijenjeno revizorskim „mišljenjem s rezervom“ i „mišljenjem s rezervom uz isticanje predmeta“.

Potom su se članovi Komisije usaglasili da sjednica Komisije bude održana u srijedu, 1.6.2016., s početkom u 10 sati.

Sekretar Komisije

Željko Kosmajac

Predsjedavajući Komisije

Predrag Kožul

Prilog: Neautorizirani transkript 23. sjednice Komisije za finansije i budžet PDPSBiH